

pes simam; Optimam autem appellat, cum peccator peccatorum suorum etiam nuper remissorum in confessione, conscius iterum incipit aut pergit dolorem & terrorem concipere & ad Christum confugere ejusque; instituto Sacramento tanquam preparato pharmaco uti in remissionem omnium peccatorum, etiam mortali-um, & quorum quoque; conscientia habetur; & in confirmationem simul hujus hac vice acceptae remissionis. Hæc mens B. Lutheri, ut opus non habuerit Bellarminus eum hoc nomine allatrare, indeque; larvam, cum qua disputet, sibi fingere Tom 3. lib. 4 cap. 17. Hic datur quoque facile intelligere, quam puritatem sancti Patres commendent & magno fervore in scriptis suis urgeant ante usum S. Cœnæ comparandam. Est illa, quâ destituitur peccator adhuc impœnitens, & quam habet, qui veram pœnitentiã ante Sacramentum hoc Deo reconciliatus est, prout Porisma nostrum habet. Videatur Ambrosius in Orat. ante Missam: quantã cordis contritione & lachrymarum fonte, quantã reverentiã & tremore, quantã corporis castitate & animæ puritate illud divinum & cœlestemysterium est celebrandum & c. Chrysostomus in c. 3. Eph. Cum tali puritate accede semper, sine hac nec præsumas unquam (accedere). Regem utique, non audeas osculari, si os tuum olet graviter, & regem cœlorum impudens oscularis anima olente. Bernhardus de Cœna Domini: sicut serpens aquas ingressurus venenum deponit; ita quoque, accessuri ad Cœnam Domini, peccati venenum deponere debemus. Hæc & alia soli impœnitentiæ opponunt, nec pœnitentiã ab usu S. Cœnæ excludere possunt, quia contritionem, lachrymas pœnitentiæ, reverentiã & tremorem cum usu S. Cœnæ conjungunt, quæ partes & signa veræ pœnitentiæ sunt.

§. 47. Postquam igitur nostra quæstio ex hoc argumento dilucidè probata est, possumus jam uno flatu primarias Bellarmini summo conatu etiam ex Patribus coacervatas argumentationes dissipare, dicendo, mundationem, præcedentem remissionem peccatorum à nobis non negari, sed eam nihil derogare asserto itidem nostro, quo cum Scriptura confitemur, in S. Cœna remissionem peccatorum quærendam esse etiam absolutis peccatoribus, eam ibi offerri, exhiberi, applicari singulis credentibus & insimul obsignari: & hoc fieri posse, quando quidem remissio peccatorum iterari queat & debeat etiam, cum à Deo nobis eum in finem, plura sint præscripta & ordinata
media